

第一四〇冊

方輿彙編

職方典

衢州府部

嚴州府部

溫州府部

(卷)

1015—1016

1017—1018

1019—1020

古今圖書集成

中華書局影印

欽定古今圖書集成方輿彙編職方典

第一千十五卷目錄

衢州府部彙考五

衢州府驛遞考

衢州府兵制考

衢州府物產考

衢州府古蹟考

葉基附

職方典第一千十五卷

衢州府部彙考五

衢州府驛遞考

本府

府縣志合載

巡警鋪十一

府門鋪 在府治東三鳳橋

新橋鋪 在府治西北

十字鋪 在府治西

獅橋鋪 在府治前西

三橋鋪 在金鐘巷東

帥正鋪 在新驛巷口

酒務鋪 在忠武廟左

華豐鋪 在天寧寺左

衣錦鋪 在衣錦坊

狀元鋪 在狀元坊東

仁德鋪 在仁德坊南

急遞鋪一

總鋪 在府治東頌春亭故址



驛傳錢糧 額銀九千四百八十二兩三錢一分三釐三毫九絲三忽八微四塵六渺六漠六埃內本府站銀八千一百三十一兩三錢四分五釐七毫五絲三忽八微四塵六渺六漠六埃內

每年應扣上航亭步廣濟三驛水馬夫役工食五日小盡銀六十九兩一錢五分五釐五毫收貯府庫登簿申報司道聽備緩急之需其解給支銷項款載驛傳成規

外省馬價銀一千三百五十九兩九錢六分七釐六毫四絲俱西安等五縣徵解

收零積餘銀一百六十八兩九錢四分三釐二毫內西安縣四十五兩七錢八分四釐九毫龍游縣四十兩三錢七分八釐三毫江山縣二十九兩一錢二釐一毫常山縣二十九兩三錢八分二釐四毫開化縣二十四兩二錢九分五釐五毫

外扣各衙門人役工食五日小盡銀二百七十九兩五錢三分六釐五毫內西安縣八十一兩二錢三分八釐七毫龍游縣七十兩三錢八分六釐八毫江山縣三十二兩二錢一分一釐五毫常山縣六十兩六錢三分二釐開化縣二十六兩六分七釐五毫各抵充備用

有閏年分通共加銀三千二百六十兩五錢九分八釐六毫內西安縣九百五兩二錢七釐四毫龍游縣八百七十六兩一錢七分五釐三毫江山縣四百九十一兩一分四釐四毫常山縣

五百二十三兩七錢五分七釐二毫開化縣四百六十四兩四錢四分四釐三毫西安縣

上航埠頭水馬驛 在郡城西三里光遠門外有館有堂有廊有門前有亭樓驛丞宅在驛左舊志一名和風驛宋紹興十七年七月二十四日建為屋四十三楹廣袤五十七步

巡警鋪四 在通仙門外

光遠鋪 在光遠門外

迎恩鋪 在驛前

朝京鋪 在朝京門外

急遞鋪八

東驛鋪 在城東十里

牌門鋪 在城東二十里

安仁鋪 在城東三十里

壓潮鋪 在城西十里

石塘鋪 在城西二十里

新店鋪 在城西三十里

常樂鋪 在城南二十五里

百靈鋪 在城南四十里

龍游縣

亭步水馬驛 在縣北五里知縣袁文紀重修其前有鼓樓有官廳驛瀨小溪過者病涉知縣涂杰建石堤數十丈舊有龍丘驛在縣治西三十步今廢

急遞鋪九

縣前鋪 在縣治西一十步

永安鋪 在縣東十里

仁和鋪 在縣東二十里

湖頭鋪 在縣東三十里

陽坑鋪 在縣東四十里

福地鋪 在縣東四十里

澳頭鋪 在縣西十里

高敬鋪 在縣西二十里

烏頭鋪 在縣西三十里

江山縣

急遞鋪五

縣前鋪 在縣治南十六步

湖村鋪 在縣東十里

平坦鋪 在縣東二十里

後溪鋪 在縣東三十里

新設鋪 在縣北二十五里

常山縣

廣濟渡水馬驛 舊在東門內縣治東北明嘉靖癸亥知縣張斯斌因山寇袁三過常卒毒禍玉山議遷東門外二守薛應元視郡篆捐俸六十金張知縣措處二百金改創今驛舊驛改為分司

草萍馬驛 在縣西四十里明隆慶元年御史龐尚鵬奏革改為公館錢糧歸併廣濟驛

遞運所 在縣治東北七十步

急遞鋪十二

縣前鋪 在縣譙樓門右

長埂鋪 在縣東十五里

枞椿鋪 在縣東二十里

浦口鋪 在縣東三十里

漁湖鋪 在縣東四十里

舒家塘鋪 在縣西十里

蔣連鋪 在縣西二十里

白石鋪 在縣西三十里

團村鋪 在縣北十里

湖澄鋪 在縣北二十里

湖潭鋪 在縣北三十里

長亭鋪 在縣南二十五里

開化縣

急遞鋪五

縣前鋪 在縣治東十步

溪盤鋪 在縣南十里

後岩鋪 在縣南二十里

孔埠鋪 在縣南三十里

玉頭鋪 在縣南四十里

衢州府兵制考

府總

城守營 副將一員都司二員守備二員千總四員把總八員

馬戰兵一百二十名步戰兵一百三十四名守兵五百九十二名

衢州守禦所千總一員添設領運千總二員

衢州府物產考

府縣志合載

稻屬

江西早 五十日 天公早

六月熟 白禾 紅禾

龍泉禾 住來黃 建陽早

六十日禾 俱六月熟

金裏銀 太平早 七八月熟

白殼糯 紅殼糯 草鞋糯

臘脂糯 鐵漿糯 白芒糯

烏嘴糯 重陽糯 湖州糯

處州糯 麻子糯

麻屬

麻 有黑白二種

豆屬

黃豆 青豆 菜豆

虎爪豆 虎斑豆 雞腎豆

羊眼豆 赤豆 黑豆

紫豆 佛豆 豇豆

田蔞豆 蠶豆

麥屬

大麥 小麥 蕎麥

貨屬

絲 絹 絨

茶 柏油 柏燭

桐油 漆 柿漆

石灰 松香 肥皂

藤紙

青香 桂皮香

黃蠟 香油 菜油

木棉 苧麻 炭 棕套

黃白紙 棕 竹扇

蜜 錠 蔣榔

土碌 烏梅 蔣榔

香簾 草蓆 涼靴

鐵 鎖 紙帳

清油 白蠟 麻布

櫻薦 錦川石 棉布

硯 常山出有紫石有黑石紫石中有白路一條其名曰紫袍玉帶頗貴重

煤 西山南山皆有之

礦 常山縣先年礦百斤煎銀三十兩者有之

二十兩者有之今止四五兩耳脉且盡矣至其煎取之法有明燼而又有罐燼作用亦不同

蔬屬

白菜 青菜 芥菜

油菜 辣菜 蒿菜

甜菜 菠菜

冬菜 近得種於杭

菜蔬 一名蘿蔔小而赤者曰胡蘿蔔種出湖州

苜 有紅白紫三色紅者名馬齒苜

芋 一名蹲鴟水旱二種

薯蕷 紫色味與芋頗似小而白者曰山藥

苦蕒 荇蓬 蒿荳

芫荽 葱 蒜

韭 薤 芹

黃瓜 西瓜 冬瓜

金瓜 絲瓜 稍瓜

甜瓜 南瓜 北瓜

兔頭瓜

瓠 大腹細頸者老割其種為葫蘆身長者曰

芋瓠

笋 凡竹皆有之惟猫竹冬發者佳

薑 隔年者母薑八月採者曰薑薑不可食

茄 一名落蘇

薇 一名苦益

蕨 根可作粉荒取充飢

茭 近濠田始種頗類杭州產者諸村間亦有

之

果屬

梅 柿 栗

杏 石榴 羊桃

櫻桃 針果 橡子

菱角 蓮蓬 落花生

柰 金橘 山查

哲珠

桃 有苦桃白綿桃

梨 出西安前塢者佳

柑 出西安石塘二十里地又名蜜羅柑香美

皮穰皆可食

橙 似橘皮香脆穰酸不可食

香櫞 黃潤有香可資清供

柚 亦柑類

橘 有朱橘有綠橘等名

甘蔗 有紫白二種紫者出龍游僅供咀嚼白者種自閩中來可碾汁煉糖與閩中所蓄糖利

幾相伯仲但不知以糖為霜耳

李 有苦李其大者名桐子李

芡

藕 出府城內東北隅此二者皆不及杭產遠

甚

林檎 楊梅 枇杷

銀杏 棗子 葡萄

毛栗 核桃 榧子

苦珠 甜珠 無花果

藥屬

紫蘇 地黃 苦參

半夏 薄荷 牽牛

香薷 蒼耳 艾葉

枸杞 茯苓 菖蒲

梔子 山查 女貞子

桑白皮 枳殼 枳實

青皮 陳皮 天門冬

天南星 山藥 茴香

荊芥 芍藥 五加皮

龍腦葉 木通 常山

麥門冬 車前子 地骨皮

五倍子 益母草 金銀花

穿山甲 黃精 金櫻子

百合	兔絲子	茱萸
何首烏	稀莨	香附子
蒼木	瓜蒌	馬兜鈴
桔梗	茵陳	黃茅根
青箱子	蟬蛻	鹿角
虎骨	槐角	金星草
骨碎補	紅花	華麻子
馬鞭草	大薊	桂皮
淡竹葉	石菖蒲	土黃連
急性子	黃卷	乾葛
土芎	郁李	貝母
馬蹄香	括婁子	山茨菰
木瓜	龍腦	紫河一名金練重
樓出常山縣湖山		
花類		
牡丹	水僊	臘梅
薔薇	緋桃	海棠
瑞香	紅梅	白粉
綠萼	茶蘼	山礬
鳳仙	紫薇	凌霄
郁李	石竹	茵苳
蜀葵	蘭	剪春羅
杜鵑	御李	金雀
芙蓉	山茶	萱草
山丹	木槿	紫荊
鷄冠	茉莉	菊
勝春	葵花	月月紅

夜合	素馨	寶相
玉蘭	芭蕉	蓮
鸛粟	金蝴蝶	石岩
洛陽	番蕉	鳳尾
芍藥	珍珠蘭	木香
繡毬	棣棠	合香
木筆	玉簪	夾竹桃
玫瑰	桂	杏
海棠	桐花	蕙
辛夷	石楠	珠蘭
木樨	紅黃白三種	
竹類		
慈竹	紫竹	苦竹
斑竹	筍竹	木竹
雷竹	筍竹	筍竹
方竹	天竹	棕竹
鳳尾竹	合叢竹	黃鸞竹
孝義竹	公孫竹	筍竹
貓竹	石竹	江南竹
黃鸞竹	金竹	實竹
岑山竹		
木類		
杉	桑	松
樟	楓	柏
槐	桐	櫟
榆	桂	栢
梓	檀	櫟

檜	榧	柏
槎	榛	榔
楊	柳	栲
株	椿	櫟
梨	栗	冬青
水楊	黃楊	櫻櫚
皂莢	石楠	羅漢松
柳杉		
羽類		
雉	鳬	鴿
鵝	鵝	鵝
鸛	鳥	鷹
鷺	鳩	鵲
鸛	鴟	鴟
雀	鴟	鴟
鴉	鴉	鴉
野鴨	鸕鶿	啄木
杜鵑	鴛鴦	鴛鴦
布穀	翡翠	鸚鵡
練雀	鸚鵡	鸚鵡
鴉	鸚鵡	鸚鵡
黃頭	鸚鵡	鸚鵡
畫眉	百舌	白鵲
竹鷄	青翠	鸚鵡
鸕鶿	相思鳥	白頭公
毛類		
鹿		鹿

穿山甲	蚌	龜	甲類	鱸	石鱗	鯁	鰻	鰻	白鰻	鱔	鯽	鯽類	猿	田猪	山羊	竹雞	猴	兔	虎
	蛤蜊	鼈			鰻魚	烏鰂	鰻	鰻	鰻	鯽	鯽	鯽	九節狸	松鼠	山牛	野猪	羽	獾	豹
	蟹	螺			蝦	泥鰱	白魚	鰻	鰻	鯽	鯽	鯽	獾	麋	花節	豪猪	玉狸	熊	狐

衢州府古蹟考
本府 西安縣 附郭

通志府縣志合載

子城 在城之東東西爲兩夾門皆有樓南設門與麗譙相值環城內有馬路居民築爲園圃僉事曹英開闢橫闊一丈二尺監郡伯顏忽都因舊築爲新城周廻九里三十步歸附後增築益高加以女牆今存舊址

陳殿院宅 在府治西南隅法寶尼寺前宋崇寧間陳師錫謫居於此人愛其賢故名今廢

和風驛 宋紹興中郡太守張襄陽建今廢人基址無所考

觀稼亭 在城隍廟南下視平遠青山入雲爲衢城偉觀

風亭 在城西南角吳興施德初所建疑即今零觀亭

闔山亭 月坡亭

風月亭 基址與廢俱不可考

徵夢亭 按信安志豆盧署初名輔真少旅於衢刺史鄭式瞻謂曰子復姓不宜二名乃書署

字授之夕夢老父云聞使君與君易名君當四舉成名後二十年牧茲郡指一地方曰此處可建亭臺既寤因名署時已再下第又四舉乃成

名後二十年果刺衢於所指地立徵夢亭

樂豐亭 在府治後明嘉靖七年郡守王公建今廢

古友樓 在龜峯崢嶸間唐會昌中崔耿爲郡作之名曰東武以識世封

華豐樓 在西安縣治西元王都中建

景高堂 宋蕭忱作於郡治之後園今廢

超覽堂 郡守施作之以爲觀游又爲亭日月

陂

塵外堂 從山閣

芙蓉堂 即右崢嶸山臺今廢

雲山閣 在超化寺後城上郡守張嶧建

鴈序館 在郡城西唐刺史趙璘與弟處州刺史璣會別之處

慈幼坊 在城北隅今爲縣治

舊貢院遺址 今改爲織染局

定陽古城 去城二十五里城址猶存今爲古城院疑即潞州故城

廢盈川縣 在城東九十里唐析龍遊縣置尋省入西安附志作城南

殷浩宅 在縣南六里信安故城中浩仕晉爲中將軍建元間北伐爲姚襄所敗廢爲庶人貶居於此其址猶存號曰殷牆道旁有小石室其神爲介冑之像

崇恩堂 在狀元坊內宋劉佑元豐二年登時彥榜進士仕至開府儀同三司建堂以萬報本之意元初燬明正統九年遠孫英重建

承澤堂 孔氏家廟西子孫祭畢燕享之所

六賢堂 三賢祠俱在縣治東宋嘉熙間郡守陳垣倅楊伯岩考先賢德行名節相類嘗寓是邦者解人忠簡趙鼎蜀人內翰范冲東平諫議

馬仲郡人寶學劉穎信之尚書汪應辰及於詹

事達合爲六賢堂景定甲子郡守王已以晦庵朱文公東萊呂成公講道於此南軒張公與劉穎交游增入爲三賢祠

高齋 在拱辰門外二里趙清獻公歸建此齋畱十詠

孝弟里 在縣北五里宋趙抃居此抃喪繼母與弟拊廬墓縣令過榜其里曰孝弟

濯纓亭 在府城北二里宋趙抃有詩釣臺逸老心非傲浮石仙人迹尚存斷岸烟波雙佛寺

隔灘風笛一漁村

采月臺 在府城中宋時築

小巖眉峰 在郡治前唐乾符間刺史李穀置

碧龍山得石長六尺許取置文會閣宋淳化間郡守慎知禮移置於此積土爲峯後遂訛傳爲郭璞墓紹聖中郡守孫賁發之因得此石移置

堂中宣和間郡守高至臨復移歸故處相傳爲峨眉山正壓郡治故處此以對之因名小巖眉

明郡守李遂又發去雙石植遊驢亭之側有記陸宣公舊宅 唐陸贄來衡時見龜峯之秀南

有爛柯北有浮石遂即僑寓於城北建宅置田千畝後以德宗召入長安捨田給大中祥符寺

遂建祠繪像於寺右首

龜峰堂 在府治內

雙石堂 在府廳左俱郡守孫賁建

獨清堂 在殷浩廟側

清陰堂 在南禪寺記云俱趙清獻舊遊思魯閣 在縣東孔氏家廟後內奉

孔子及刀官夫人木像像長可三尺許蓋自端友孔公隨高宗南渡時抱負以來者拜謁之下宛然申申天天有溫而厲威而不猛恭而安氣象郡人士得以歲時瞻仰亦有生之大幸也

來月亭 在郡圃蓮池跨橋疊石築亭其上榜曰來月

雪竹軒 在郡齋今並廢不可考

羅星塔 鷄鳴山相對用巨石盤砌以扼兩河東駛之勢明萬曆年間洪纖若卜築今廢

鼓樓 在府治東一百五十步高六丈餘可望十里

鐘樓 在縣東北二百步規制與鼓樓略同而砌厚石爲基更爲堅固

天王塔 在朝京門內天王寺明崇禎間大風吹墮塔頂上鑄有梁天監年號

鐵塔 在城西北角上明萬曆年間縣尹劉有源建純鐵鑄爲之或曰城臨大河歲被洪水植此以鎮壓蛟龍或曰河水東駛而城外地皆曠衍無所收束作此資其控扼以補形勢之不足二者未知孰是

鷄鳴山塔 在城東十里

黃甲山塔 在城東二十里兵道曹棟守韓邦憲建

杜澤新塔 在縣北五十里杜澤

龍游縣

姑蔑城 在穀溪之南左傳魯哀公十三年越伐吳吳王孫彌庸自泓上觀之見姑蔑之旗曰

吾父之旗也時彌庸父爲越所獲故姑蔑人得其旗杜預注姑蔑越地在大末縣即今縣治也穀水亭 在縣北穀溪山下

石鼓 在九里橋葉公宅外余端禮幼從公學一日赴學早門未啓端禮假寢鼓上葉公夜夢黑龍蟠鼓起視之端禮睡焉以女字之後封郇國夫人

徐伯珍居 在縣東五十里九岩山之北廢豐安縣 按通志在龍游縣境孫吳置縣隋省

唐盈川廢城 在城西三十里盈川上城址猶存有祠祀唐盈川令楊炯

唐白石縣址 在縣南三十五里白石山麓漢龍丘萇宅 在九峯山

唐東海子徐安貞宅 在九峯山下有安貞書堂九峰書院

有斐亭 在館驛後偶然亭 在靈耀寺前

姑蔑故宮 今爲靈耀寺御書閣 在學宮內

勅書樓 在縣治前平易堂 在縣堂後

政和堂 在主簿廳後懷賢堂 在龍丘祠

兩間堂 在文昌橋西

飛虹閣 在兩間堂側常平倉 宋爲倉倉在縣北紹興三十五年縣

令陶定建

尉司 在縣東三百五十步

縣學驛 在縣北三十里

監酒課廳 在縣治北即宋酒務

省庫 在縣廨中

王衙 在縣北五十里烏石寺前相傳岳武穆

王飛過宿獨步於此土人以此名之

孤墓 在鷄鳴山北宋呂防讀書山中夢人告

曰願主君救我平日見虞人挈死狐過買而瘞

舍利塔 在湖鎮

鷄鳴塔 在鷄鳴山明嘉靖中知縣陳欽建欽

以堯與言鷄鳴當學宮異方建之於是科第稍

加於昔

湖岩塔 在縣北二十里里人封主事尹蒙建

刹下塔 在縣北四十五里葉氏建

橫山塔 在縣北四十里里人張氏共建

靈山塔 在縣南四十里

沐塵塔 在縣南六十里

龍洲塔 在龍洲太安行宮左邑人毛汝麟募

建

浮杯塔 在縣北五里寺湖中洲未有永福寺

久廢明萬曆三十九年知縣萬廷謙以諸生請

申允建塔於廢址上知縣以家藏古玉杯鎮之

江山縣 故武安縣 按寰宇記證聖三年割常山須江

故址尚存

土城 按信安志舊有土城高尋二尺今不存

惟壕水自景星門入環縣治如帶

明遠樓 在縣治內宋知縣程準建

潛心室 在長臺邑人柴禹聲建

萃賢亭 在禮賢鎮邑人周穎建

白雲莊 在縣南三十五里石門有軒堂臺榭

之類邑人毛維瞻建趙抃題以四詠

張家源軍營 義兵萬戶柴隆蔡瓊守禦括寇

城址尚存

水心居 在上花園

毛諫議宅 在鎮安清溪

姜平章宅 在石城

徐神童宅 在雅儒坊

侍御李處全宅 在白巖寺前

祝文忠宅 在郎峰下

徐宅卿先生宅 在仕陽

八行柴弓宅 在長臺

毛叔綱先生宅 在鎮安清溪

待制毛漸宅 在禮賢溪西

鐵硯先生宅 在沙堤

祝太守宗善宅 在竹和

梅花館 在石門毛介川退居之所

奇氣樓 在長臺高齋山下國史柴望建

水星樓 在縣治北景星居南離邑素患火知

懷舒閣 在僊居寺左宋毛注建

高齋 在沙堤宋鐵硯先生毛晃父子著書處

日涉園 在僊居寺前李處全建

川上居 在航埠山毛文興建

一葦帶 在航埠水次毛元敬建

文石居 在清湖里人毛應思建

清風亭 在縣治分司前府館內明正德七年

同知孟周建

一觀亭 在城南知縣余士龍建今廢

青霄亭 在縣北免橋上知縣黃綸建

松山亭 在縣北柘橋上知縣黃綸建

雙溪亭 在縣北塔溪渡夾沙中知縣黃綸建

華溪亭 在縣東十里華清橋邊知縣黃綸建

今廢

三望亭 在縣西南二十里知縣黃綸建

景星塔 在縣治南爲邑之官星知縣余一龍

建

百祐塔 在縣水口知縣余一龍建

凝秀塔 與百祐相對明萬曆三十一年令褚

維垣建

愈嘉塔 在縣東北三十里明萬曆十九年縣

令張斗建

華山塔 在長臺華山巔

鳳林塔 在鳳林水口

騎馬尖塔 在長臺

下睦塔 在鎮安

雅儒塔 在雅儒水口

清溪塔 在清溪對案

常山縣

漢定陽縣 在定陽鄉地名三岡今遺址尚存

晉信安縣 在招賢街下太康時建

唐常山縣 在常山鄉內常山之麓街路猶存

獨往亭 在容車山宋趙鼎立

半間亭 在集真觀東明嘉靖二十一年縣令

程世鵬建

武當別境亭 在集真觀前

權奸亭 在縣東紫港渡口縣丞張曉建爲盤

詰私鹽之所

義泉亭 在縣西五里蓮塘口常玉通衢擊泉

構亭以濟渴者

綠陰亭 由義泉至此二十里依樹構亭以息

行道

普濟亭 與綠陰亭相並構亭施藥以濟行路

之病者

義井亭 隔普濟亭數步以上四亭俱道士王

明曉募建

息肩亭 去義井亭五里邑人詹汝金建

小憩亭 去縣三十里白石鋪

一飯亭 在縣西四十里

草萍亭 在草萍橋上常玉之界

三門嶺亭 在小南門外五里

三賢堂 在容車山昔趙鼎范冲魏紅寓山下

永年寺後人因立堂奉之故名

留春園榭 舊一十餘所皆在常山縣治後

超霞臺 在金川門山巔下有範川書院路南

又有招搖池館皆明隆萬年間建

慕仙亭 在縣東城外半里明萬曆初徐深建

及寬亭 在縣西五里蓮塘知縣傅良言建

棲雲亭 在木綿嶺半腰者民徐深建

東深待渡亭 在三里灘隔河明隆慶元年陳

坦建

長春館 在大南門內監生徐書紳建

尉司 在縣東偏後

臨清堂 在縣東南一十五里宋趙希館建今

廢

開化縣

月波亭 在金錢山北宋山長江天然建天然

二子俱中神童科朱子過訪書月波亭今不存

翼然亭 不存

熙春亭 不存

水月亭 在縣東金錢山下明正德間宿州知

州徐瑋建後給事徐文博開講於此扁其堂曰

諫議講堂

竹亭 在靈山寺側明正德間地勢迫窄宋淳

買地移亭於西山之麓時舉會焉

李公亭 明正德八年饒寇犯境都指揮李隆

却賊超遷民立生祠於北城上遺址尚存

劉公亭 饒寇亂邑舊無城縣令楊燦築土城

以禦賊寇平食憲劉秉常與同知伍文定築城

衛庇民立生祠於城南亭址俱廢

縣學七賢堂 唐魏希宋趙抃江景房程俱鄒

補之趙汝標魏亭中元至正十三年太原趙起

嚴來尹茲邑四明程衡適典學事按圖志得此

七人因學東有亭三間葺以奉祀今廢

七虎堂 在縣南三十五里華川黃泥嶺下宋

少卿江緯築堂於此姪少虞濟漢從學時踵門

至者如汪藻程俱李處權趙子畫七人皆有文

行後擢科顯仕時人指爲文中虎遂扁其堂曰

七虎

晚香堂 在縣南五十步邑人徐伯昌所居伯

昌詳究易理性嗜菊以晚香名其堂易學相傳

聲望茂著

友山堂

五經堂 在縣西芝田麗澤書院山長徐唐孫

所居長子希呂次希古大明善次子正次洪元

各授一經以文學登第世號徐五經

褒榮堂 在縣北一里明正統年間奉勅爲刑

部侍郎吳紳建戶部尙書王直題扁

桂巖閣 在縣東南二十五里馬溪五代時侍

御景房上築於此居前有山壁立百仞中有秋

香一本宋隆興間七世孫侍御薄構閣巖前于

孫登桂籍者幾百人

高山閣 在縣西臥佛山麓唐末長史胡億所

建高據四山爲一邑冠

萃清閣 距縣二十里馬嶺金溪之水合於此

宋時建趙抃嘗遊程俱江緯俱有題詠今廢

白蝦池 在縣北金水鄉三十里余仁合家邊

趙清獻鎮蜀時以白蝦寄余氏放之池中生患

不絕水涸絕而復有求而他蓄者其邑輒變

光塢山居 在縣西六十里北源村朱紹興間

程俱故宅

自娛堂 在龍山鄉程如所居楊廷秀有詩

放生池 在縣南五步廣一十丈深五尺以避

火災水未嘗涸今爲荷花池

永安寶塔 在通濟橋東金錢山麓

丁峯塔 在縣南五里

墳墓附

本府 西安縣附郭

三國吳陳侯墓 在府治西北百步吳將陳弘

征趙峻有功封信安侯歷事司馬晉年九十薨

葬於此舊韓徽猷宅雙桂堂西

陳徐霖墓 在縣西南三十里臨江鄉石塘里

五代陳侍郎墓 在縣西二里吳越陳備事鏐

至俶國除慟不食卒太宗聞之嘉歎

宋王珙墓 在縣南三十里濟下懿敏公會孫

建炎初寓衢歷官臺諫卒高宗賜田一項令衢

長吏葬焉

孔玠墓 在金溪隴

毛璩墓 在縣南一里晉將寶之孫謚桓公自

寶至璩三世擁節旄璩屢有戰功

趙清獻公墓 在縣東四十五里欽化鄉臨豁

里

龍游縣

周姑蔑子墓 在東華山偃王別廟後慶元間

爲人所發古物充物隨即灰散惟數瓦缶不壞

貯水滿其中衆併誌石碑之

龍丘良墓 在龍游鄉龍丘山

宋呂侍郎墓 在縣南四十里侍郎名好問

汪侯墓 在團石里

劉文靖公墓 在靈山下文靖名章

江山縣

古何王墓 在禮賢鎮不知何代人或侵掘則

暴風疾雨隨作人頗異之

葛王墓 在縣西三十五里不知何代人山下

舊有碑田夫斲爲磨一日雷震碎之有取花碑

者雷復震今莫敢動

明徐逸平墓 在景星鄉南塘歷久墓沒明嘉

靖中縣令黃綸訪其墓樹碑封禁嗣孫徐元既

沒無傳訪得徐合周歲時依母入紹令看守祠

墓仍置田六畝給備未祀

侍郎徐復殷墓 在九都山稱卓塢

趙將軍善孚墓 在九都巖下

孝子王撰墓 在上花園

柴神童蒙亨墓 在秀峰下

國史柴望墓 在長臺高齋

柴神童隨亨墓 在樸林九礫口

孝子何倫墓 在六都墳前山

常山縣

唐節度使徐幸隆墓 在縣北五里護國山

宋趙修靖王希館墓 在縣東十五里查瀨鳳

山

丞相趙鼎墓 在縣西二十五里石門

太史范冲墓 在縣北二十五里

梁忠獻公墓 在縣東北崇善鄉嚴隴公姓王

世居汴梁宗澤辟參議軍機累遷至樞密副使

暨金兵攻揚州挾病扈從乘輿陷而不屈遂遇

害葬此

尚書徐恢墓 在縣東十五里毛家洋

開化縣

唐張自勉墓 在縣北二十五里玉山鄉石丘

姜坂僖宗乾符間自勉破王仙芝黃巢有功詔

以爲招討副使疾卒賜葬於此官爲畱地十五

畝石翁仲今有存者子御漢封定遠將軍

五代錢王墓 在縣西百三十里

江家墓 在縣北百步五代時江氏初爲墓時

未置縣有善陰陽者謂葬後當出斗粟官及置

縣官爲畱地四十畝自五代至宋躋世科者九

十九人顯要者亦數十人

欽定古今圖書集成方輿彙編職方典

第一千十六卷目錄

衢州府部藝文一

衢州徐偃王廟碑

衢州寄晏尚書

衢州江山縣景行堂記

衢州江山縣學記

西安縣豐義倉記

開化通濟橋記

衢州府部藝文二

渡泉嶠出諸山之頂

入龍丘岩精舍

爛柯山四首

呼嵯嶺

歲暮枉衢州張使君書并詩因以長句報之

江郎山

衢州江上別李秀才

送崔員外刺史衢州

龍丘道中二首

題包山書院聽雨堂

重過南塘弔徐逸平先生

舟過航埠山

招賢渡

奇氣樓

偃王廟

龍丘道中簡同行翁雲舒

唐韓愈

宋范仲淹

朱熹

前人

明張文達

金寶

梁江淹

陳江總

唐劉迥

孟郊

白居易

前人

韋莊

薛逢

杜牧

宋朱熹

前人

韓駒

陸游

柴望

劉章

趙師秀

白雲莊四首

登烏石山仁王寺橫山閣

萬信安僧舍

三衢道中三首

過江山

西湖春水

題文筆峯

前題

黃岡山

百樹尖山

將從衢州陸行至常山

題白龍洞

憶秦娥

蝶戀花

南樓令

衢州府部紀事

衢州府部雜錄

衢州府部外編

職方典第一千十六卷

衢州府部藝文一

衢州徐偃王廟碑

徐與秦俱出柏翳為嬴姓國於夏殷周世咸有大功

秦處西偏專用武勝遭世衰無明天子遂虎吞諸國

為雄諸國既皆入秦為臣屬秦無所取利上下相賊

害卒償其國而沈其宗徐處地中文德為治及偃

王誕當國益除去刑爭末事凡所以君國子民待四

方一出於仁義當此之時周天子穆王無道意不在

趙抃

元薩都剌

尹廷高

張雨

貢師泰

明袁敬所

前人

唐順之

詹山

樊阜

朱應登

葉向高

朱趙子覺

毛滂

文天祥

天下好道士說得八龍騎之西遊同王母宴於瑤池

之上歌詠忘歸四方諸侯之爭辯者無所實正咸賓

祭于徐贊玉帛死生之物于徐之庭者三十六國得

朱弓赤矢之瑞穆王聞之恐遂稱受命造父御長

驅而歸與楚連謀伐徐徐不忍鬪其民北走彭城武

原山下百姓隨而從之萬有餘家偃王死民號其山

為徐山鑿石為室以祠偃王偃王雖走死失國民戴

其嗣為君如初駒王章禹祖孫相望自秦至今名公

巨人繼跡史書徐氏十望其九皆本於偃王而秦後

迄茲無聞家天於柏翳之緒非偏有厚薄施仁與暴

之報自然異也衢州故會稽太末民多姓徐氏支縣

龍丘有偃王遺廟或曰偃王之逃藏不之彭城之越

城之隅棄玉几研于會稽之水或曰徐子章禹既執

於吳徐之公族子弟散之徐揚二州間即其居立先

王廟云開元初徐姓二人相屬為刺史帥其部之同

姓改作廟屋載事於碑後九十年當元和九年而徐

氏放復為刺史放字達夫前碑所謂今戶部侍郎其

大父也春行視農至於龍丘有事於廟思惟本原曰

故制櫛櫨下窄不足以揭虔爰置而又梁栢赤白陰

剝不治圖像之威黷昧就滅藩拔級夷庭木禿缺祈

咤日慢祥慶弗下州之羣支不獲陰麻余惟遺紹而

尸其土不即不圖以有資聚罰其可辭乃命因故為

新衆工齊事惟月若日工告訖功大祠于廟宗鄉咸

序應是歲州無怪風劇雨民不夭厲穀果完實民皆

日耿耿社哉其不可誣乃相與請辭京師歸而鑲之

於石辭曰

秦儻以顛徐由遜絲秦鬼久饑徐有廟存婉婉偃王

惟道之耿以國易仁爲笑于頑自初擅命其實殘姓
歷短晉長有不償亡課其利害孰與王富姑蔑之墟
太末之里惟思王恩立廟以祀王之聞孫世世多有
唯臨茲邦廟土實守堅嶠之後達夫廊之王歿萬年
如始嗣時王孫多孝世奉王廟達夫之來先慎諒教
盡惠廟民不主於神維是達夫知孝之元太末之里
姑蔑之城廟事時修仁孝振聲宜寵其人以及後生
嗟嗟維王雖古誰元王死于仁彼以果喪文追作誄
刻示茫茫

衢州寄晏尚書

朱范仲淹

伏自春初至項城因使人回草草上謝由穎淮而下
越茲重江四月幾望至於桐廬回首大毫忽數千里
日思奏記復於無階恭惟蕃宣之居鈞體惟寧赫赫
之瞻日以增重某罪有餘貴尚叨一麾敢不盡心以
求疾苦二浙之俗躁而無剛豪者如虎示之以文弱
者如鼠存之以仁吞奪之害稍稍而息迺延見諸生
以博以約非某所能蓋師門之禮訓也又郡之山川
接於新定誰謂幽遐滿目奇勝衝欽二水合于城隅
一濁一清如濟如河百里而東遂爲浙江漁釣相望
鸞鷟交下有嚴子陵之釣石方干之隱茅又羣峰四
來翠盈軒牕東北曰烏龍崔嵬如俗西南曰馬目秀
狀如嵩白雲徘徊終日不去巖泉一支潺湲齋中春
之晝秋之夕既清且幽大得隱者之樂惟恐逢思一
日移去且有章阮二從事俱富文能琴風宵爲會迭
唱交和忘其形骸鄭聲之娛斯實未暇往往林僧野
客惠然投詩其爲郡之樂有如此者於君親之恩知
己之賜宜何報焉今有郡齋歌詩一軸拜獻庶明前

言之不誣爾干演台嚴伏增戰懼尚遠門下伏惟尊
崇爲國自重

衢州江山縣景行堂記

朱熹

江山縣學古有三賢堂以祀正介先生周君穎贈宣
敷郎徐君揆逸平先生徐君存而今知縣事金華邵
侯浩又益以故諫議大夫毛公注贈朝請郎毛公棗
且更其扁曰景行之堂而狀其事且爲書來告曰願
有記也熹考其狀既知五君子之學行氣節具足以
風勵當世而興起後來讀其書又歎邵侯所以教其
人者之備而待其人者之遠也蓋正介之行信於鄉
而聞於朝其立言垂訓褒善貶惡又皆足以爲後世
法雖其事業不得見於當年然其所立已不但爲一
鄉之善士而已也諫議遭時遇主奮不顧身排擊巨
奸奪其政柄當是時天下庶幾望至治焉不幸不究
其用而廢絀以死有志之士至今恨之然不特爲公
恨也至于叔纘罵賊不屈以明官守之義宅卿捐軀
敵營以紓君父之急其事尤難其節尤偉而逸平受
業程氏之門人得諸心成諸行又能推其說以教人
儀型音旨之傳今猶未遠也夫以區區百里之間而
其先賢之學行氣節可以風勵當世而興起後來者
如此可謂盛矣昔人之祠之也其意豈不美哉然得
其三而遺其二又限其目而不使後人復有勉慕企
及之思也是則識者猶或病之邵侯於此乃能增益
而算新之且易其名以致其便焉孳孳之意而徹其
限以示若有待於來者是不亦教人之備而待人之
遠乎嗚呼是亦可書也已抑熹又嘗竊有說焉蓋士
有學有德而後其言行有可觀有行有言而後其節

義有可貴此士君子立身行道次第始卒之常而不
可易者也然人之所秉不同而其所遭亦異故得于
身者或無以驗其事成於終者或無以考其初此論
世尚友者所以每恨全德之難而欲擇其所從者又
不免有多岐之憾也然則登是堂而有志夫五君子
之事者又不可不知所務之先後而循序以求之哉邵
侯讀大學之書而有感於絜矩之一言其平居論天
下事而有所不平未嘗不慨然發憤而抵掌太息也
然則其于五君子者固已非苟知之而亦庶幾得其
所以求之之序矣其爲此舉夫豈偶然而已哉因爲
之識其本末而并記此意以示其學者云

衢州江山縣學記

前人

建安龍君可量爲衢之江山縣尉始至以故事見於
先聖先師之廟視其屋皆壞漏弗支而禮殿爲尤甚
因問其學校之政則廢墜不修又已數十年矣於是
俯仰歎息退而以告於其長湯君悅請得任其事而
一新焉湯君以爲然予錢五萬曰以是經其始熊君
則徧以語邑人之宦學者久之乃得錢五十萬遂以
今年癸丑始事首作大成之殿踰月訖工棟宇崇麗
貌像顯嚴位序丹青應圖合禮熊君既以復於其長
合羣吏率諸生而釋菜焉則又振其餘財以究厥事
列置門戟扁以奎文生徒之舍亦緝其舊於是熊君
乃復揖諸生而進之使程其業以相次第官居廩食
絃誦以時邑人有識者皆嗟歎之以爲尉本以逐捕
盜賊爲官苟食焉而不曠其事則亦足矣廟學興廢
豈其謀之所急哉熊君乃能及是是其志與材爲何
如耶熹時適以事過邑聞其言則以語熊君曰吾子

之爲是役則善矣而予之所以爲教則吾所不得而聞也抑先聖之言有之古之學者爲己今之學者爲人二者之分實人材風俗盛衰厚薄之所係而爲教者不可以不審焉者也顧予不足以議此予之邑故有儒先曰徐公誠叟者受業程氏之門人學奧行高講道于家弟子自遠而至者常以百數其去今未遠也吾意大山長谷之中隘巷窮簷之下必有獨得其傳而深藏不市者爲我訪而問焉則必有以審于此而知所以教之方矣熊君謝曰走則敬聞命矣然此意也不可使是邑之人無傳焉願卒請文以識茲役而并刻之憲不得而辭也因悉記其事且書其說如此俾刻焉既以勵熊君且以示其徒又以告凡後之爲師弟子而食於此者使知所以自擇云爾

西安樂豐義倉記 明張文達

義倉何昉乎昉于朱晦翁之社倉也義倉之田何昉乎昉于范文正之義田贈族也衢向無義倉自余守衢備賑始亦自衢之神衿父老樂捐始歲亥子游災水旱頻仍鳩形鵠面者道相望欲仰給倉廩而減價之糴已空矯詔之粟誰在百姓抗弊可奈何當是時無賑貸是無民也無鼓倡是無賑貸也余狎主盟居無何而輸粟輸錢者麇至矣多方賑恤中澤之哀鴻漸有生氣尚贏羨千餘金干焉謀置義倉蓋不徒利濟一時而百世未賴之長策也于是屬諸首義輩置義田一頃八十餘畝卜地郡之東偏爲義倉慮材鳩工爲屋十八楹庚子十間歲取義田所入儲之豐則生息荒則備賑田額則丈之籍之穀數則簿之以時稽之而其掌握柄筦則悉聽之邦之賢大夫孝廉與

士之仁者洎父老之公廉者余又慮壯哉雀鼠母俾入查盤冊令胥猾倉蠹輩得借稽覈盈縮以蠶食庶乎可以永久矣猶未也時異人殊踵相代謝則夫衍薪傳之脉爲斯邑異日災黎永續命之燈不致年久湮廢是在諸君子加之意耳雖然社倉有米無田故不能經久義田經久矣祇膳族而未及邦人茲師其意而推廣之以要于經久則猶監于二君子之遺意也落成都人士以碑記屬余余愧不文又執筆簿書不遑泚筆人士固請因思倉創自余應爲識其原委故忘其固陋而爲之記是役也領袖司賑則葉廣文九秩徐上舍日徵鬻田善後則又合諸初賑倡義舒孝廉其蘊徐明經日升諸生雷大儁鄭一虬者民王自秀王允中徐日勵劉士俊葉其森鄭應命王允察徐應禮以分任之而董建義倉則徐上舍日徵者民劉士俊爲獨賢勞此皆襄厥事之成者也例得備書

開化通濟橋記 金質

開化縣治之東大溪環之其源界睦歙東馳百里許而汪洋渟泓匯而爲澤邑之都鄙鄉村強半居溪之東夏潦冬沍之月人病于徒涉宋紹興丙子邑令俞仲遠建橋有亭曰無盡歲庚子令丁朝佐重建易今名元統間縣簿捏古柏創橋建東西二亭元季橋遂不存我朝洪武癸丑知縣何永安創丙辰繼圯迨今五十年洪武乙巳侍郎吾君紳主事宋君杞皆以服制家居乃與徐君叔謙爲首倡率一邑之衆造舟爲梁數月落成遂披金錢山之麓下及水際甃石爲隄級至山之陳作亭岩下楹中設觀音大士像而繪其四壁燕寢庖廡成就亢爽復置庖廬居田之租入資

用羨餘若防暴水之具悉置其中余嘗登斯亭凭高以望橋若垂虹橫絕兩涯西郭萬家榆柳行列薨棟鱗次素王之宮屹當其前士子齊服風詠舞雩招提真館蔽虧林薄鐘鼓之聲斯暮相應方其朝暇未起蒼靄乍收微波一碧與天上下漁舟往來鷗鷺馴狎若夫西橋日入牛羊來歸芻牧儂行謠歌互答溪山之景晦明異狀斯橋與亭非獨利人之徒涉實一邑勝槩之攸幸也田之坵畝租入槩橋之規制勒置碑陰

衢州府部藝文二詩詞 渡泉嶠出諸山之頂 梁江淹

岑峯蔽日月左右信艱哉萬壑共馳騫百谷爭往來鷹隼既厲翼蛟魚亦曝鰓崩壁迭枕臥斬石屢盤迴伏波未能鑿樓船不敢開百年積流水千歲生青苔行行詎半景余馬以長懷南方天炎火魂兮可歸來

入龍丘巖精舍 陳江總

法堂猶集鴈仙竹幾成龍近承丹桂觀遠視白雲峯風塵穿石竇月牖拂霜松暗谷留征鳥空林徹夜鐘

爛柯山四首 唐劉迴

白雲引策杖苔逕誰往還漸見松樹偃時聞鳥聲聞豁然喧氛靜獨對萬重山

二

石橋架絕壑蒼翠橫鳥道憑檻雲脚下頽陽日猶早寬裳倘一遇千載長不老

三

靈境偶一尋洞天碧雲上爛柯有遺蹤羽客何由訪日暮悵欲還晴煙滿千嶂

四

繩牀宴坐久石窟絕行跡能在人代中遂將人代隔
白雲風颺飛非欲待歸客

崢嶸嶺

孟郊

疏鑿順高下結構橫煙霞坐嘯郡齋肅玩奇石路斜
古樹浮絲氣高門結朱華始見崢嶸狀仰止逾可嘉
歲暮枉衢州張使君書并詩因以長句報之

西州

白居易

西州彼此意何如官職賤耽歲欲除浮石潭邊停五
馬望濤樓上得雙魚萬言舊手才難敵五字新題思
有餘貧薄詩家無好物反投桃李報瓊瑤

江郎山

前人

林慮雙童長不食江郎三子夢還家安得此身生羽
翼與君來往共煙霞

衢州江上別李秀才

韋莊

千山紅樹萬山雲把酒相看日又曛一曲驪歌兩行
淚更知何處再逢君

送崔員外刺史衢州

薛逢

笑分銅虎別京師嶺下山川想到時紅樹暗藏殷浩
宅綠蘿深覆樛王祠風茅向暖抽書帶露竹迎風舞
釣絲休指巖西數歸日知君已負白雲期

龍丘道中二首

一作李杜牧

漢苑殘花別吳江盛夏來惟看萬樹合不見一花開

二

水色饒湘浦灘聲怯建溪淚流迴月上可得更痕啼

題包山書院聽雨堂

宋朱熹

試問池塘春草夢何如風雨對牀詩三薰三沐事斯

語難弟難兄此一時為母靜彈琴幾曲道懷同舉酒
千巖蘇公感寓多遊宦豈不臨風尚爾思

重過南塘弔徐逸平先生

前人

不到南塘久重來二十年如龜背擁地與馬鞍連
徐子舊書址毛公新墓田青松似相識無語重凄然

舟過航埠山

韓駒

縣郭連青野人家蔽綠蘿地偏春事少山迴夕陽多
暗水披崖出扁舟掠岸過傳聲細扶舵吾老怯風波

招賢渡

陸游

老馬骨巉然虺虺不受鞭行人爭晚渡歸鳥破秋煙
湖海淒涼地風霜搖落天吾生半行路搖首送流年

奇氣樓

柴望

此齋全占嵩高勝更盡樓前第一奇芳草碧連天水
處數峯青斷暮煙時山川不逐陰晴換宇宙間看歲
月移琴已懶彈書懶讀一簾花影詠春遲

偃王廟

劉章

枌榆青蔭密不記幾周星造化留神迹山川妥地靈
一時捐玉几千古亭形庭仁義終難泯丹心照汗青

龍丘道中簡同行翁靈舒

趙師秀

久晴初得雨艇子復先行終日不相見與君如各程
水禽多雪色野笛忽秋聲若有新成句溪流合讓清

白雲莊四首

首選二

趙抃

掬泉軒

好山深處靜開軒目送孤雲弄杲杳枕石堂無金玉
富濯縹家有子孫賢初尋舊隱逢三伏已發新吟僅
百篇閒說夜分煩暑散涼颼渾似素秋天

懶歸閣

溪流回合逗方池軒檻前臨面翠微紫陌紅塵行不
顧白雲青嶂坐忘歸方榮即隱誰能繼未老先休世
所稀我昔凌雲登閣會主翁留散見蟬輝

登烏石山仁王寺橫山閣

元薩都刺

千尺青蓮座煙霞擁地靈山川幾縹緲日月兩浮萍
鳥沒天垂海龍歸水在瓶深堂說法夜應有石頭聽

萬信安僧舍

尹廷高

羈愁野市雨凄然又是西風落葉天疎雨半簾澆客
恨白雲一榻對僧眠孤吟吟天地知何益雙影江湖祇
自憐喚醒十年鄉國夢空山古木亂鳴蟬

三衢道中三首

張雨

大溪中道放船流船壓山光瀉碧油三百里灘欹枕
過買魚釀酒下嚴州

東風惡劇雨飛花被底春寒水漲沙蘭蕙溪香小回
首一峯晴雪是金華

界道飛流山翠重杜鵑無語杜鵑紅歸人一舸含新

水渾墮丹青便面中

過江山

貢師泰

萬山深處開孤縣下馬入門風滿庭雨脚遠垂松澗
白雲陰低護稻田青已知賣劍人歸坐還憶彈琴客
在亭喜見賓區多卓魯最書時復到虞庭

西湖春水

明袁敬所

巴蜀春風雪早消汪洋便覺潤荷饒波分彭蠡湖邊
綠浪接錢塘江上潮鷗鷺忘機閒白晝魚龍得志起
中宵幾時寬得扁舟去雲滿蓬牕月滿橈

題文筆峯

前人

鬱蕭臺館五雲縈錦繡山川壓巨嶽一水光搖銀漢

小九天星逼玉樓高鸞分花影樓紅藥龍戲珠光照
碧桃路碎烟霞歸去晚月華寒曉藕絲袍

前題

唐順之

本爲窮幽賞非緣避世氛鄉心吳水盡客路越山分
名姓休相問漁樵久作事忽思鸞掖侶日暮倚停雲

黃岡山

詹山

抱一山人早悟禪焚龍無計脫塵緣阿誰卓錫開青
嶂此日攜壺破紫烟地勝草蔬皆紫石雲低難犬亦
神仙竹牀宿宿詩魂冷身世渾忘在半天

百樹尖山

樊阜

巨靈搗山勞神工幾瓣巧削金芙蓉元氣蒸雲滴春
乳珊瑚戛玉搖玲瓏香翠浮簾眠不得起向庭前看
樹色碧天如洗月初沉野鶴長鳴抗幽寂

將從衢州陸行至常山

朱應登

江鄉二月欠芳菲白露黃雲慘不開石碓自春知水
長布帆初飽覺風來旗亭喚客春膏酒驛路懷人曉
見梅世味已諳灘百折山行明日又千廻

題白龍洞

葉向高

路近家山思轉悠喜逢關尹暫淹留虛亭有客攜樽
至深洞何人秉燭遊漢瀉流聲不斷白龍吹雨氣
常浮須知寒谷陽回日好霑甘霖逼九州

憶秦娥

宋趙子覺

臨高閣亂山平野煙光薄煙光薄樓閣歸後暮天吹
角斷香殘酒情懷惡西風起起梧桐落梧桐落又
還秋也又還寂寞

蝶戀花

毛滂

相見江南情不少爾許多時怪得無消耗淡日暖雲
勾引到闌干寂寞憐春小宮面可憐勻書了粉瘦
酥香一段天真好喚起玉兒嬌睡覺半山殘月南枝
曉

南樓令

文天祥

雨過水明霞潮迴岸帶沙葉聲寒飛透聽紗幮恨西
風催世換又吹我落天涯寂寞古豪華烏衣又日
斜語與亡燕入誰家只有南來無數鴈和明月宿蘆
花

衢州府部紀事

舊志唐鄭崇義明經中第爲郡士時一日心忽痛奔
歸母正病劇母亡廬墓郡境有蝗獨不食其苗舍南
木生連理中第不仕太守張思欽司馬婁知柔邑令
辛規屢薦其孝弟終不受徵
府志西安十一都石室堰在郡城西南二十里七十
二溝之水匯於城南而爲城東南之大濠復引濠水
入城爲內河蓋一邑根本焉宋時創爲此堰縣丞張
應麒董其事三年工不就適山水暴漲應麒憤極躍

馬自沉中流以死自後堰址始定事聞特贈少卿至
今奉祀不替

演繁露衢州之下十里許深潭有石兀立水面土人
名之曰浮石白樂天有謝衢州張使君詩曰浮石潭
邊停五馬先是土人嘗有謠曰水打浮石圓龍游出
狀元蓋石本嶠崑不齊紹興甲子兩浙大水浮石沒
焉水退石仍出而嶠崑者皆去蓋爲猛浪沙石之所
滯鑿得此圓潭也又一年己丑縣人劉章魁廷試
府志龍游縣烏石教寺在縣北宣教鄉舊名幽巖宋
政和三年有題壁云紹興丙寅清河張浚過此聽顏
師鼓琴而去岳飛過宿題寺中木桌云奉旨趨闕
復如江右假宿幽巖遊上方覽山川之勝志期爲國
速欲掃平黠酋恢復輿圖迎二聖於沙漠輔聖主無
疆之休因此以紀歲月紹興二年十月初一日題
慈海姓陳住九江東林堂與岳武穆善岳罹禍寓至
江山被逮宿逆旅中夜索筆欲與岳偕捕卒叱之將旦
燭之已坐逝矣東林僧有夢者來發視之髮被肩爪
甲浸長其顏如丹乃歸葬廬阜
周宣靈王神祠在郡城朝京門內神杭州新城縣綠
川埠人姓周諱仲偉宋淳熙間母汪氏感蛇浴金盆
之瑞而生年二十四母病劇命禱于葵之五王廟此
歸及衢聞母訃哀傷哭泣死舟中植立不仆衢人異
之即奉神肉身斂布而加漆建廟祀焉有大旱爲霖
返風滅火之應元至元中伯顏忽都守衢奏開封王
號大新其廟以城壕田稅供春秋祭儀
草木子元至正間衢州陷龍丘大家何氏爲兵所掠
裂帛題一詩云妾長朱門十九春豈知今逐亂離奔

失身無補君王事死節難酬夫塔恩江靜從教流弱質月明誰與弔孤魂只愁父母難相見願與來生作子孫書畢投水死

舊志龍丘山之巔有遺棺歲疫人取其朽木板作湯病輒愈巔敷有木棚一張相傳爲徐安貞所寢息歲久雨淋日曝其色新好

青霞叢記縣北一里許城隍湖下有鉅鐘初捕魚者履見其鉅相傳以爲卽巨謹樓鐘飛蓋一大蛇於下

皇明傳信錄胡大海克蘭谿獲僧孟月庭搜得天文書因置帳下高皇帝親征登過蘭谿大海以月庭見上得書喜問月庭師何人以龍游朱輝對輝於天文家實精詣云

舊志柴用先號惟一子永樂間自京還時大旱自言能興雷雨藩競致之官吏齋宿先大書聯云三日登壇三日雨一聲號令一聲雷片時大雨如注而西湖之水涸矣

江山鎮安毛冢前亦白二蓮雙萼並開其家有登第者自後每開必如之人以爲瑞

江郎石每旗見輒有登第者明弘治間赤旗再見姜瓖周任相繼登進士正德二年黑旗見周文典以書魁浙省明年登進士第是後邑人累以爲驗

衢府治廳事之前有封嶺然蔭以竹樹高與堂齊隔離中外莫可洞見卽數十人聚論背立無覺也傳云郭璞墓發之者於守輒不利更數百年莫之決也明嘉靖戊戌豐城李遂來守郡惡其面如樹塞也祝之曰郭公忠而被戮捐軀江東不應歸骨於此卽使爲

前人遺塚亦須徙置不當與公從爭出入爲胥吏弊藪也乃啓視之中有錦川石二狀如笋高可丈許且其碑云唐刺史李穀得而玩之封以土後卽其封處植竹樹因以爲郭璞墓云

衢州府部雜錄

水經注浙江東北潏水入焉水源自太末縣縣是越之西部姑蔑之地也 又潏水上承信安縣之蘇姥布蓋縣在昔名信安百餘丈潏水飛注狀如瀑布

衢州府志外編

衢州府志晉湛滿有子仕洛末嘉亂不能歸使祝宗告江郎神曰若能致子靡愛斯牲旬日其子忽見三少年於洛濱曰某日常載汝歸至期使冥目入車中去如飄風俄覺墜地已在家園矣廟在山麓甚險里人苦于登欲遷之一日暴風雨廟徙一里許宋大觀政和宣和建炎慶元間屢加封號
水南記事吳白娘幼遇異人家舉炊每于隔塘鄰家乞火歸甚速鄰母疑之一日羈其往乃從水面步行

若飛亟呼之卽沒後人因廟祀之

濠溪叢異圓通庵于國初有雲南禪師以卓錫卜庵此山時設大醮壇一日風大起有大鳥自南飛至其色蒼白展翅如席狀類鶴俄頃飛去遺下粟黍稻麥及黃黑豆干檀越祠屋上約數升是歲大稔

江山柴公達號無道人明洪武間與張真人游一夕張欲警夜公達曰吾能役神兵爲之是夜鐵鈴響者達曙張嘗遇公達夜歸假電燭行真人大奇之舊志清華道士歐陽生能遊神時縣以丁日舉祭弟子馬月林問曰老釋言修煉家其神不死若仲尼食報如是果神猶在乎生曰吾試觀焉于是從靜室凝坐月林穴壁窺之其神若自頂出維時學宮設燎陳帛見有一人黃冠緋衣自上而下遍觀乃去蓋其神也

欽定古今圖書集成方輿彙編職方典

第一千十七卷目錄

嚴州府部彙考一

嚴州府建置沿革考

嚴州府疆域考

嚴州府星野考

嚴州府山川考一

職方典第一千十七卷

嚴州府部彙考一

嚴州府建置沿革考

本府

通志

地本揚州南境春秋間屬吳越戰國屬楚秦滅楚置會稽郡於桐江置富春縣富春別見杭州漢永建四年分浙江以西爲吳郡建安十三年孫權遣賀齊擊定山越破之置新都郡置始新新定二縣以屬之吳黃武四年析富春置建德桐廬新昌三縣屬吳郡晉太康元年分天下爲十九州揚州統郡十八吳新郡二郡隸焉改新都郡曰新安郡改吳郡之新昌爲壽昌縣改新安郡之新定爲遂安縣宋元嘉三十年分揚州爲會州統新安郡孝建初改會州爲東揚州後省入揚州改揚州刺史曰牧吳新安二郡隸焉梁普通二年分吳郡之壽昌縣屬新安郡六年復立東揚州十年分吳郡之建德縣屬東陽郡東陽別見金華而吳郡止領桐廬一縣新安郡

領始新遂安壽昌三縣陳永定三年省東揚州并屬揚州天嘉三年復立東揚州隋開皇九年省東揚州廢東陽新安二郡桐廬建德亦廢而吳郡自後別見改始新爲新安縣併遂安壽昌置婺州以領之仁壽二年以新安故城置睦州領縣三曰新安遂安桐廬蓋遂安桐廬二縣於是年復置大業三年改睦州爲遂安郡改新安縣爲雉山唐武德四年復以遂安郡爲睦州領縣二曰雉山遂安以桐廬爲嚴州復置建德縣又析桐廬七鄉置分水縣而嚴州領縣二曰建德分水七年廢嚴州併建德分水入桐廬屬睦州睦之領縣加一曰桐廬尋以睦州爲東睦州八年仍爲睦州貞觀元年睦州隸江南道永淳二年復置建德縣文明元年以雉山爲新安縣又置武盛縣俱屬睦州睦州領縣五曰新安遂安桐廬建德武盛永昌元年分新安置壽昌縣載初元年廢神龍元年復置壽昌縣改武盛爲分水縣開元二十年改新安爲還淳縣二十一年以睦州隸江南東道天寶元年改睦州爲新定郡領縣六曰建德桐廬壽昌還淳分水遂安至德二載分江南爲浙東西道新定郡隸浙西道乾元元年新定郡仍爲睦州實應元年析分水置昭德縣大曆十四年仍併入分水合浙東西爲兩浙道建中初復分二年合貞元三年復分分時睦隸於西永貞元年改還淳爲青溪縣光化中割桐廬屬杭州梁開平初封錢鏐爲吳越王睦屬吳越國宋太平興國三年錢俶納土

國除睦州隸兩浙路桐廬仍屬睦州而睦州之領縣仍六熙寧七年分浙東西爲兩路九月合爲一十九年復分十年復合分時睦州屬西路政和七年升睦州爲建德軍節度使宣和元年改青溪爲淳化縣三年改睦州爲嚴州軍爲遂安軍紹興元年改淳化爲淳安縣二年分浙爲東西二路西路治臨安府嚴州屬焉咸淳元年升嚴州爲建德府元至元十四年改建德府爲安撫司後改爲建德路屬江淮行省二十一年改曰江浙等處行中書省建德路屬之明克元改建德路爲建安府洪武元年隸浙江等處行中書省九年改行中書省爲承宣布政使司建安府隸焉二十五年改建安府爲嚴州府領縣六曰建德淳安遂安桐廬壽昌分水

皇清因之

建德縣 附郭

三國吳析富春置建德縣屬吳郡晉宋齊因之梁建德縣割屬東陽郡陳因之隋廢建德縣唐復置建德縣屬睦州後五代建德縣屬吳越國宋建德縣屬嚴州後屬建德府元建德縣屬建德路明建德縣屬建安府尋屬嚴州府

皇清因之

淳安縣

漢始新縣屬新都郡三國吳因之晉始新縣屬新安郡宋齊梁陳因之隋改名新安縣屬睦州尋又改名雉山縣屬遂安郡唐復名新安屬睦州既又改名還淳遼憲宗諱又改名青溪縣後